



Broj: 01-01-1682/17
Sarajevo, 26.07.2017.godine

Na osnovu člana 90 Zakona o javnim nabavkama BiH Aneksa II dio B („Službeni glasnik BiH“ br. 39/14), i u skladu sa pravilnikom o postupku dodjele ugovora o uslugama iz Aneksa II dio B (Sl. Glasnik broj 66/16), člana 4. Pravilnika o postupku direktnog sporazuma za nabavku roba, usluga i radova u Javnoj ustanovi "Služba za zapošljavanje Kantona Sarajevo" Sarajevo, broj: 05/1-0545-UO/15 od 30.03.2015. godine, direktor donosi

ODLUKU
o izboru ponuđača za Advokatske usluge na koje se primjenjuje poseban režim

Član 1.

Prihvata se preporuka Komisije za nabavke broj: 09/3-1675-JN/17 od 25.07.2017.godine, o izboru ponuđača „Advokatske kancelarije Gavrankapetanović&Koldžo&Kukić&Gavrankapetanović“ i njegove ponude od 20.07.2017. godine za Advokatske usluge (CPV kod 79100000-5) za potrebe Javne ustanove „Služba za zapošljavanje Kantona Sarajevo“, Sarajevo, za ponuđenu cijenu shodno advokatskoj tarifi.

Član 2.

Prijedlog ugovora o nabavci dostavit će se na potpis izabranom ponuđaču „Advokatske kancelarije Gavrankapetanović & Koldžo & Kukić & Gavrankapetanović“ Sarajevo

Član 3.

Za izvršenje Odluke zadužuju se Odjel za poslove nabavke i Sektor za ekonomske, računovodstvene poslove i trezor.

Član 4.

Ova odluka stupa na snagu danom donošenja i objaviće se na web stranici JU "Služba za zapošljavanje Kantona Sarajevo" Sarajevo.



Образложение

U cilju izvršavanja redovnih poslova i zadataka Odjel za poslove nabavke je pokrenuo predmetnu nabavku u skladu sa Planom javnih nabavki za 2017. Godinu i zahtjevom Sektora za pravne poslove. S obzirom da se radi o usluzi za koju se primjenjuje poseban režim objavljen je Javni poziv br. 01-01-1075/17 od 08.05.2017. godine za dostavu ponuda za Advokatske usluge. Na Javni poziv se odazvalo četiri ponuđača i to:

1. Advokat Jasmina Pujagić-Hasović
2. Advokat Željko Bubić
3. Advokat Bajro Avdić
4. Advokatska kancelarija Gavrankapetanović & Koldžo & Kukić & Gavrankapetanović

Komisija za javne nabavke je evaluacijom pristiglih ponuda vodeći računa o specifičnosti usluga te na osnovu analize tržišta i utvrđenih rezultata rada donjela odluku da se ugovor za nabavku advokatskih usluga dodjeli Advokatskoj kancelariji Gavrankapetanović & Koldžo & Kukić & Gavrankapetanović.

Sačinio: Ibrahim Lika



DIREKTOR

Midhat Osmanbegović

Dostaviti:

- Odjel za poslove nabavke
- Sektor za ekonomske, računovodstvene poslove i trezor
- Evidencija
- a/a



Na osnovu člana 72. Zakona o javnim nabavkama („Službeni glasnik BiH“, broj:39/14), a nakon provedenog postupka javne nabavke po pravilniku Anex II dio B (Službeni glasnik BiH“, broj:66/16) za potrebe javne ustanove „Služba za zapošljavanje Kantona Sarajevo“ Sarajevo,

Zaključile su dana _____ godine u Sarajevu,

UGOVOR O PRUŽANJU ADVOKATSKIH USLUGA

UGOVORNE STRANE

1. **Javna ustanova“ Služba za zapošljavanje kantona Sarajevo" Sarajevo**
ul. Đoke Mazalića br.3 koju zastupa direktor Midhat Osmanbegović,
(u daljem tekstu: Naručilac)

i

2. **Advokatska kancelarija Gavrankapetanović & Koldžo & Kukić & Gavrankapetanović Sarajevo**, ul. Šenoina br 14/1 koju zastupa Bekir Gavrankapetanović
(u daljem tekstu: Izvršilac)

Zaključile su dana 26. 2. 17 godine u Sarajevu,

Član 1.

Ovim ugovorom utvrđuju se međusobna prava i obaveze Naručioca i Izvršioca u pružanju Advokatskih usluga

Član 2.

Ugovorne strane su saglasne da će Izvršilac za potrebe Naručioca pružati sve pravne usluge u skladu sa Javnim pozivom, broj: 01-01-1075/17 od 08.05.2017.godine i dostavljenom ponudom od 20.07.2017.godine, koja čini sastavni dio ovog Ugovora.

Član 3.

Obaveze Izvršioca pravnih usluga po ovom ugovoru su sljedeće:

Pravne usluge:

- Pravno zastupanja ugovorni organ pred nadležnim sudovima u predmetima po tužbama;
- Pruža pravnu podršku pri realizaciji pravnih poslova ugovornog organa u skladu sa njegovim zahtjevima;
- Prikuplja i kompletira neophodnu i postojeću dokumentaciju u saradnji sa nadležnom službom ugovornog organa;
- Pažljivo analizira kompletnu prikupljenu dokumentaciju sa pravnog aspekta;
- Ostvaruje svu neophodnu komunikaciju sa nadležnim organima;
- Prisustvuje sastancima na kojima se dogovara priprema i vođenje postupaka;

- U dogovoru sa ugovornim organom, preuzima sve potrebne pravne radnje pred nadležnim sudovima i državnim organima i institucijama, u cilju zaštite pravnih interesa ugovornog organa;
- Blagovremeno i redovno obavlja konsultacije i ostvaruje dogovore sa ugovornim organom o svim relevantnim pitanjima u vezi sa postupcima pred sudovima i nadležnim organima;
- Da na ročišta šalje isključivo advokate sa radnim iskustvom od najmanje tri godine nakon položenog pravosudnog ispita;
- Da napravi zapisnik o primopredaji predmeta nakon zaključenja ugovora i da sačini Zapisnik nakon isteka važenja ugovora sa pismenim zveštajem o statusu svakom predmeta pojedinačno
- Da minimum jednom mjesečno dostavlja pismeni izveštaj ugovornom organu o statusu preuzetih predmeta.

Član 4.

Obaveze Naručioca pravnih usluga po ovom ugovoru su sljedeće:

- Obezbjediti Izvršiocu usluga uvid u kompletnu dokumentaciju sa kojom raspolaže Naručilac
- Izvršiti plaćanje Izvršiocu usluga u iznosu i prema rokovima definisanim u ovom ugovoru,
- Provoditi ostale aktivnosti koje po prirodi predstavljaju obavezu Naručioca, a neophodni su za kvalitetno obavljanje ugovorenih usluga.

Član 5.

Naručilac usluga će Izvršiocu platiti usluge shodno važećoj advokatskoj tarifi u FBiH koja je sastavni dio ovog Ugovora po poduzetoj pravnoj radnji. Naručilac posla je istu dužan uplatiti u roku od 15 dana od dana ispostavljanja fakture i izvještaja o preduzetim aktivnostima. na račun Izvršioca usluga.

Član 6.

Ovaj ugovor se zaključuje u trajanju od 1 godine.

Član 7.

Ugovorne strane imaju pravo raskinuti ugovor sa otkaznim rokom od 30 dana.

Član 8.

Sve eventualne nesporazume, nastale u realizaciji ovog ugovora, ugovorne strane će nastojati da rješe međusobnim dogovorom, a u slučaju spora nadležan je sud u Sarajevu.




Član 9.

Ovaj ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

ZA IZVRŠIOCA

Advokatska kancelarija Gavrankapetanović
& Koldžo & Kukić & Gavrankapetanović



Bekir Gavrankapetanović Ovlašteno lice

Broj:

Sarajevo, 26. 07. 17

ZA NARUČIOCA

Služba za zapošljavanje Kantona
Sarajevo Sarajevo



Midhat Osmanbegović, direktor

Broj:

0700-1682-1/17
Sarajevo, 26.07.2017.